



## Sud Bosne i Hercegovine

## Суд Босне и Херцеговине

Broj: Su-08-210/18

Datum: 19.07.2018.godine

Na osnovu člana 64. stav (1) tačka b) najniža cijena, člana 70 stav 1., 3. i 6. Zakona o javnim nabavkama ("Službeni glasnik BiH", broj 39/14) i člana 1. Poslovnika o radu Suda Bosne i Hercegovine ( „Službeni glasnik BiH“, broj: 82/05) na preporuku Stalne komisije za javne nabavke Suda BiH broj: Su-08-205/18 od 19.07.2018. godine u postupku javne nabavke namještaja za LOT 1 stolice – 39112000-0, donosim

## ODLUKU

o izboru najpovoljnijeg ponuđača za nabavku namještaja za LOT 1 - stolice

## član 1.

Prihvata se preporuka Stalne komisije za javne nabavke Suda BiH (u daljem tekstu: Komisija), broj: Su-08-205/18 od 19.07.2018. godine i Ugovor za javnu nabavku namještaja za **LOT 1 stolice** - oznaka i naziv iz JRJN: 39112000-0 (stolice), dodjeljuje se ponuđaču „**HAFELE BH**“ **d.o.o. Gračanica**, sa sjedištem na adresi Ul. Miričina bb, a ponuda ovog ponuđača broj: 67/18 od 22.06.2018. godine, za ponuđenu cijenu od **9.006,00 KM** bez PDV-a, kao najbolje ocijenjena ponuda.

## član 2.

Ugovor o nabavci dostaviti će se na potpis izabranom ponuđaču „**HAFELE BH**“ **d.o.o. Gračanica** po proteku roka od 15 dana računajući od dana kada su svi ponuđači obavješteni o izboru najpovoljnije ponude.

## član 3.

Ova odluka objavljuje se na internetskoj stranici Suda BiH. Komisija za javne nabavke uputiti će obavještenje ponuđačima koji su učestvovali u postupku u skladu sa članom 70. stav (6) Zakona o javnim nabavkama.

## član 4.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke u skladu sa članom 71. stav (2) Zakona o javnim nabavkama.

## Obrazloženje

Postupak javne nabavke pokrenut je Odlukom o pokretanju postupka nabavke namještaja po lotovima broj: Su-08-124/18 od 05.06.2018. godine. Javna nabavka je provedena putem otvorenog postupka broj: Su-08-130/18, a procijenjena vrijednost javne nabavke bez PDV-a za nabavku namještaja za LOT 1 – stolice je 14.350,00 KM bez PDV-a. Obavještenje o nabavci objavljeno je na portalu javnih nabavki pod brojem 243-1-1-128/18 od 11.06.2018. godine.

Komisija je rukovodiocu ugovornog organa dostavila Zapisnik o pregledu i ocjeni ponuda i prijedlog o izboru najpovoljnijeg ponuđača u postupku javne nabavke namještaja za LOT 1 - stolice. Komisija je blagovremeno i pravilno izvršila javno otvaranje ponuda dana 04.07.2018. godine i sačinila Zapisnik o otvaranju ponuda koji je proslijeđen svim ponuđačima koji su učestvovali u postupku.

Nakon otvaranja ponuda Komisija je pristupila ocjeni i poređenju ponuda te o tome sačinila odgovarajuće zapisnike u kojima je utvrđeno slijedeće; da je blagovremeno pristiglo sedam (7) ponuda; HAFELE BH d.o.o., MIRA-MAR d.o.o., R&S d.o.o., KRANING d.o.o., PRO TIM d.o.o., GTR d.o.o. i INTER-COM d.o.o.; da nije bilo neblagovremeno zaprimljenih ponuda; da su ponude ponuđača HAFELE BH d.o.o., MIRA-MAR d.o.o., R&S d.o.o., KRANING d.o.o., PRO TIM d.o.o., GTR d.o.o. i INTER-COM d.o.o. ocijenjene prihvatljivim.

Za ovaj postupak je predviđena e-aukcija. Sve prihvatljive ponude (7) su unesene u sistem e-nabavke i e-aukcija je zakazana za 17.07.2018. godine sa početkom u 10.00 sati i završetkom u 10.30 sati. U toku e-aukcije došlo je do podnošenja novih cijena (podnošenja novih ponuda ponuđača HAFELE BH, MIRA-MAR, R&S, KRANING, PRO TIM, GTR i INTER-COM). Nakon završetka e-aukcije u sistemu e-nabavke je kreiran izvještaj o toku i završetku e-aukcije (početna i konačna rang lista) prispjelih ponuda u kojem je utvrđeno da je prvorangirana ponuda ponuđača "HAFELE BH" d.o.o. sa cijenom od 9.006,00 KM bez PDV-a, drugorangirana je ponuda ponuđača "INTER-COM" d.o.o. sa cijenom od 9.790,00 KM bez PDV-a, trećerangirana je ponuda ponuđača "GTR" d.o.o. sa cijenom od 10.991,00 KM bez PDV-a, četvrtorangirana je ponuda ponuđača "MIRA-MAR" d.o.o. sa cijenom od 10.793,00 KM bez PDV-a, petorangirana je ponuda ponuđača "R&S" d.o.o. sa cijenom od 11.350,00 KM bez PDV-a, šestorangirana je ponuda ponuđača "KRANING" d.o.o. sa cijenom od 12.678,00 KM bez PDV-a i sedmorangirana je ponuda ponuđača "PRO TIM" d.o.o. sa cijenom od 11.720,00 KM bez PDV-a.

U postupku ocjene provedenog postupka, rukovodioc ugovornog organa nije našao nepravilnosti niti propuste u radu koji bi eventualno bili osnov za neprihvatanje preporuke Komisije. Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama BiH, podzakonskim aktima, internim aktima i tenderskom dokumentacijom. Nakon okončanja e-aukcije nesporno je da je prvorangirani ponuđač "HAFELE BH" d.o.o. izabran primjenjujući kriterij najniže cijene koja je ponuđena u iznosu od **9.006,00 KM** bez PDV-a. Iz navedenih razloga, primjenom člana 64. stav (1) tačka b) najniža cijena Zakona o javnim nabavkama odlučeno je kao u dispozitivu.

### POUKA O PRAVNOM LIJEKU:

Ponuđač koji je učestvovao u postupku nadmetanja može radi zaštite svojih prava i pravnih interesa izjaviti žalbu ugovornom organu u roku od 10 (deset) dana od dana prijema ove odluke.

**PREDSJEDNIK SUDA**

**Ranko Debevec**

